

ಸೌಕರ್ಯ
ವೀಡದೇ



ಸೌಕ್ಯ ನೀಡದೇ

ಒರ್ ಮನುಷ್ಯಂಗ್ಕ್ ಐಶ್ವರ್ಯ, ಪಡಿಪ್, ಸ್ಥಾನ ಇನ್ನತಾನದೆಲ್ಲಾ ಇಂಜತೇಂಗಿಯು, ಅಂವೊಂಗೆ ಬದ್ಕಲ್ ಆರಾಮ್, ಕುಶಿ, ಸಮಾದಾನ ಪಿಂಞ



ಸೌಕ್ಯತೆ ಇಪ್ಪುಲ್ಲೆ. ಸಂತೋಷ, ಸಮಾದಾನ ಕಟ್ವವಕ್ ಅಂವೊ ದುಂಬ ಪ್ರಯತ್ನ ಪಟ್ಟಿತ್, ಪಣತ್ನ ಕರ್ಚಿ ಮಾಡಿತ್, ಪಾಪತ್ ಕುಶಿಪಡುವ. ಆಚೇಂಗಿಯು ಒರ್ ಪ್ರಯೋಜನವು ಇಲ್ಲೆ. ಇದೆಲ್ಲ ಅಂವೊಂಡ ಆತ್ಮಕ್ ಸಮಾದಾನ ಕೊಡ್ಕತೆ, ತಡಿಕ್ ಕಾಯಿಲೆನ ಪಿಂಞ ಚಾವ್ನ ಕೊಂಡ ಬಪ್ಪಾಂದ್ ಅಂವೊಂಗೆ ಗೊತ್ತಿಲ್ಲೆ.

ದೇವ ಮನುಷ್ಯನ ಸೃಷ್ಟಿ ಮಾಡುವಕ್, ಅಂವೊ ಅಂವೊಂಡ ಸ್ವಂತ ರೂಪತ್ಲ್ ಮಾತ್ರ ಅಲ್ಲತೆ, ಸಂತೋಷ, ಸಮಾದಾನ, ಆರಾಮ್, ಸೌಕ್ಯವಾನ ತಡಿ ಪಿಂಞ ನಿತ್ಯ ಜೀವವಾಯಿತ್ ಇಪ್ಪನೆಕೆ ಸಹ ಸೃಷ್ಟಿ ಮಾಡ್ಚಿ. ಆಚೇಂಗಿ ಮನುಷ್ಯ ಒಡೆಯಂಡ ಆಜ್ಞೆನ ಮೀರಿತ್ ಪಾಪ ಮಾಡುವಕ್, ಅಂವೊ ಆಶೀರ್ವಾದತ್ನ ಮಾತ್ರ ಅಲ್ಲತೆ ಚಾವ್ಕ್, ಪೋಡಿಕ್, ಶಾಂತಿ ಇಲ್ಲತ ಬದ್ಕಲ್ ಅಂವೊಂಡ ಆತ್ಮ ಅಡಿಯಾಳಾಯಿತ್, ಬಲಹೀನವಾನ ತಡಿಕ್ ಪಿಂಞ ವಾಸಿ ಆಕತ ರೋಗಕ್ ಅಡಿಯಾಳಚಿ.

ಮದ್ಡ ಕೊಡ್ತಿತ್ ವಾಸಿಮಾಡ್ವದ್, ಕೂಳಿಯಳ ಬುಡ್ತಿತ್ ವಾಸಿ ಮಾಡ್ವದ್, ಇನ್ನತಾನದೆಲ್ಲಾ ಇಂಜತೇಂಗಿಯು,




ಮನುಷ್ಯಂಗ್ ಸೌಕ್ಯ ಕೊಡ್ಪಕ್ ಒರ್ ವಸ್ತುವು ಇಲ್ಲೆ. ಅದಲ್ಲತೆ, ಪುದಿಯ ಮದ್ಡ, ಪುದಿಯ ಪುದಿಯ ಕಾಯಿಲೆಯೆಲ್ಲಾ ಬಂತ ವೈದ್ಯಂಗಕ್ ಸಹ ಒರ್ ಬಲ್ಯ ಕಷ್ಟತ್ನ ಕೊಡ್ತಂಡುಂಡ್. ಪರಿಸ್ಥಿತಿ ಇನ್ನನೆ ಇಪ್ಪಕ್, ಈ ಕಾಯಿಲೆಯಳ ವಾಸಿ

ಮಾಡುವ ಒರ್ ವೈದ್ಯ ಸಹ, ಈ 20ನೆ ಶತಮಾನ ಕಾಲತ್ಲ್ ಉಂಡಾಂದ್ ನಿಂಗ ನೋಟ್ಚೇಂಗಿಯು, ನಿಂಗಕ್ ಕಟ್ಟುಲೆ.

ಸ್ನೇಹಿತಂಗಳೇ, ನಂಗ ನಿಂಗಕ್ ಪುದಿಯದಾಯಿತ್ ಒರ್ ವೈದ್ಯನ ಕಾಟಿ ತಪ್ಪು. ಈ ಸುದ್ದಿ ನಿಂಗಕ್ ನಲ್ಲದ್ ಮಾಡುವ. ಆ ವೈದ್ಯಂಡ ಪಕ್ಕ ನಿಂಗ ನಂಬಿಕೆಲ್ ಬಾತೇಂಗಿ, ಅಂವೊ ನಿಂಗಕ್ ಒರ್ ನಲ್ಲ ವೈದ್ಯನಾಯಿತ್ತಿಪ್ಪ. ಅಂವೊಂಡ ಪೆದ ಯೇಸು. ಅಂವೊ: ನಾನೇ ನಿನ್ನ ವಾಸಿ ಮಾಡುವ ಒಡೆಯಾಂದ್ ಎಣ್ಣಿಯಂಡುಂಡ್ .




(ಪ್ರಯಾಣ ಪುಸ್ತಕ 15:26). ದೇವಡ ಪುಸ್ತಕತ್ಲ್: "ಅಂವೊಂಡ ಗಾಯತ್ರಗುಂಡ್ ನಂಗ ವಾಸಿಯಾಚಿ ಪಿಂಜಾ ನಂಗಡ ಪಾಪತೆನಲ್ಲಾ ಅಂವೊ ಮನ್ನಿಚಿಟ್ಟತ್, ನಂಗಡ ರೋಗತ್ನೆಲ್ಲಾ ವಾಸಿಮಾಡ್ಚೇಂದ್" ಎಣ್ಣಿತುಂಡ್ (ಇಶಾಯ 53:26, ಮತ್ತಾಯ 8:17). ಅಂವೊ ನಂಗಳ ಕಾಕಿತ್: ಅರಾಮಿಲ್ಲತ ಕಷ್ಟಪಟ್ಟುಂಡ್ ಬಾರತ್ನ ಪೊರ್ತಂಡ್ ಉಳ್ಳಯಿಂಗಳೇ,



ನಾಡ ಪಕ್ಕ ಬಾರಿ ನಾನ್ ನಿಂಗಕ್ ಅರಾಮ್ ತಪ್ಪೇಂದ್ ಎಣ್ಣುವ (ಮತ್ತಾಯ 8:28). ಯೇಸು ಪಾಪತ್ನ, ರೋಗತ್ನ, ಶಾಪತ್ನ ಪಿಂಜಾ ಚಾವ್ನ ಸಹ ಗೆದ್ದಿತ್ ಎಕ್ಕಾಲು ಬದ್ಕಿಯಂಡುಂಡ್. ಅಂವೊನ ನಂಬುವಯಿಂಗಳ್ ಅನ್ನತಾನ ಜಯತ್ನ ಅಂವೊ ತಪ್ಪಾಂದ್ ವಾಗ್ಗಾನ ಮಾಡಿತುಂಡ್

ನಿಂಗ ಪಶ್ಚಾತ್ತಾಪಪಟ್ಟಿತ್ ಒಡೆಯನಾನ ಯೇಸುರ ಪಕ್ಕ ನಿಂಗಡ ಪಾಪತ್ನ ಅರಿಕೆ ಮಾಡಿತ್, ಅಂವೊನ ನಿಂಗಡ ಒಡೆಯನಾಯಿತ್ ಪಿಂಜಾ ರಕ್ಷಕನಾಯಿತ್ ಸ್ವೀಕಾರ ಮಾಡ್ಚೇಂಗಿ,

ಅಂವೊ ನಿಂಗಡ ಪಾಪನೆಲ್ಲಾ ಮನ್ನಿಚಿಟ್ಟಿತ್, ನಿಂಗಡ ಆತ್ಮಕ್ ಅರಾಮ್ ತಪ್ಪ. ಅದಲ್ಲತೆ, ನಿಂಗಡ ರೋಗತ್‌ನೆಲ್ಲಾ ನಿಂಗಡ ತಡಿಯಿಂಜ ಎಡ್‌ತಿತ್ ಒರ್ ಜಾಯಿ ಸೌಕ್ಯತ್‌ನ ತಪ್ಪ. ದೇವಡ ವಕ್ಯ ಎಣ್ಣುವಾನ ಕೇಳಿ: "ಅಂವೊ ನಿಂಗಡ ಪಾಪತ್‌ನೆಲ್ಲಾ ಮನ್ನಿಚಿಟ್ಟಿತಿ, ನಿಂಗಡ ಕಾಯಿಲೆನೆಲ್ಲಾ ವಾಸಿ ಮಾಡುವ, ನಿಂಗಡ ಬದ್‌ಕ್‌ನ ಜಾವ್‌ರ ಕುಂಡ್‌ಯಿಂಜ ಅಂವೊ ಕಾಪಾಡುವ (ದೇವಡ ಪಾಟ್ಸ್ 103:3,4) ಅಂವೊ ಅಂವೊಂಡ ವಾಕ್ಯತ್‌ನ ಅಯಿಚಿತ್ ವಾಸಿ ಮಾಡ್‌ಚಿ; ಅಂವೊ ಅಯಿಂಗಳ ತೂಟಂಗಳತಿಂಜ ಬಜಾವ್ ಮಾಡ್‌ಚಿ. (ದೇವಡ ಪಾಟ್ಸ್ 107:20)



ಅಂವೊ ತಾನೆ, ಶಿಲುಬೇಲ್ ನಂಗಡ ಪಾಪತ್‌ನ ತಾಂಡ ತಡಿಲ್ ಎಡ್‌ತ್ತಂಡತ್, ಅಂವೊಂಡ ಗಾಯತ್‌ನಗುಂಡ್ ನಂಗ ವಾಸಿಯಾಚಿ (ಪೇತ್ರ 2:24)

ಯೇಸು ಕಾಯಿಲಸ್ತಂಗಳ ಕಾಂಬಕ, ಅಂವೊಂಗ್ ದುಂಬ ಕನಿಕರ ಆಚಿ. ಅಂವೊ ಪತ್ತ್ ಕುಷ್ಟರೋಗಿಯಳ ವಾಸಿ ಮಾಡ್‌ಚಿ. ಚೋರೆ

ಪೋಪ ಕಾಯಿಲೆಯಿಂಜ ನರಳಿಯಂಡಿಂಜ ಪೊಣ್ಣಾಳ್‌ನ ವಾಸಿ ಮಾಡ್‌ವನೆಕೆ ಅಂವೊಂಡ ತಡಿಯಿಂಜ ಶಕ್ತಿ ಪೊರಟಿತ್ ಪೋಚಿ. ಯೇಸುರ ಪಕ್ಕ ಬಂದ

ಎಲ್ಲಾ ಕಾಯಿಲಸ್ತಂಗಳು ಪೂರ್ತಿ ವಾಸಿ ಆಯಿತ್ ಪೋಚಿ. ಅಂವೊ

ಕುರುಡಂಗ ಕಾಂಬನೆಕೆ, ಕಿವ್‌ಡಂಗ ಕೆಮಿ ಕೇಪನೆಕೆ,

ಮೂಗಂಗ ತಕ್ಕ ಪರಿವನೆಕೆ, ಕುಂಟಂಡ ನಡ್‌ಪನೆಕೆ

ಮಾಡ್‌ಚಿ. ಯೇಸು ಚತ್ತಯಿಂಗಳ ಸಹ ಪುನ:

ಜೀವವಾಯಿತ್ ಎದ್ವಿತ್ ಬಪ್ಪನೆಕೆ ಮಾಡ್‌ಚಿ.

ಯೇಸು ನಿನ್ನಾಂದ್, ಇಂದ್ ಪಿಂಇ ನಾಳೆ

ಬದ್‌ಲಾಕತಂವೊನಾಯಿತ್ ಉಂಡ್.

ಇಕ್ಕಲು ಸಹ ಅಂವೊ ವಾಸಿ ಮಾಡತನೆಕೆ

ಅಂವೊಂಡ ಕೈ ಕುಂದಿಪೋಯಿತ್ತಿಲ್ಲೆ.



ವೈದ್ಯಕೀಯ ವಿಜ್ಞಾನ ಪಿಂಚಾ ಆಪರೇಷನ್, ಒರ್ ಮನುಷ್ಯಂಡ ತಡಿನ ವಾಸಿಮಾಡ್‌ವಕ್ ಕೈಯು. ಆಚೇಂಗಿ ಆತ್ಮೀಯ ಸೌಕೈತನ ಇನಾಮಾಯಿತ್ ತಪ್ಪ, ಪರಲೋಕತ್‌ರ ವೈದ್ಯನಾನ ಯೇಸು, ನಂಗಡ ತಡಿನ ಮಾತ್ರ ಅಲ್ಲತೆ, ನಂಗಡ ಮನಸಾನ, ಆತ್ಮತನ ಪಿಂಚಾ ಮನುಷ್ಯಂಡ ಬೋರೆ ಎಲ್ಲಾ ವಿಷಯತ್‌ಲೂ ವಾಸಿ ಮಾಡುವಕ್ ಕೈಯು.

ಆನಗುಂಡ್, ನೀಕ್ ಇಕ್ಕಲೇ ವಾಸಿ ಆಂಡುಂದ್ ಉಂಡೇಂಗಿ, ನೀಡ ಕಾಯಿಲೆ ಎಂತದಾಚೇಂಗಿಯು ಪರವಾಯಿಲ್ಲೆ, ವೈದ್ಯಂಗ ಕೈಯುಲೇಂದ್ ಎಣ್ಣಿತಿಂಜತೇಂಗಿಯು ಪರವಾಯಿಲ್ಲೆ, ನಿನ್ನ ಪೂರ್ತಿಯಾಯಿತ್, ಒಡೆಯನಾಯಿತು, ಪರಲೋಕತ್‌ರ ವೈದ್ಯನಾಯಿತುಳ್ಳ ಯೇಸುರ ಕೈಕ್ ನಿನ್ನ ಒಪ್ಪಿಚಿಟ್ಟಿತ್ ಇನ್ನೆ ಪ್ರಾರ್ಥನೆ ಮಾಡ್.

ಒಡೆಯನಾನ ಯೇಸುವೇ, ನೀನ್ ನಾಡ ಪಾಪಕಾಯಿತ್ ಮಾತ್ರ ಅಲ್ಲತೆ ನಾಡ ಕಾಯಿಲೆಕಾಯಿತೂ ಕಲ್ವಾರಿ ಶಿಲುಬೇಲ್ ಜೀವ ಬುಟ್ಟಿಯಾಂದ್ ನಂಬುವಿ. ನಾಡ ಪಾಪತನ ಎಲ್ಲಾ ದಯಬೆಚ್ಚಿತ್ ಮನ್ನಿಚಿಡ್. ನಾಡ ಕಾಯಿಲೆಯಿಂಜ ನನ್ನ ವಾಸಿ ಮಾಡಿತ್ ನಾಕ್ ಪೂರ್ತಿ ಸೌಕೈತನ ತಾ. ನೀಡ ಕುಂಞಿಯಾಯಿತ್ ಒರ್ ಶುದ್ಧ ಬದ್‌ಕ್‌ಲ್ ನಡಪಕ್ ನಾನ್ ಕುಶಿ ಪಡುವಿ. ಆಮೆನ್

